

MAHATHIR

(1980

KUALA LUMPUR, 24 JAN. (BERNAMA)—DATUK SERI DR. MAHATHIR MOHAMAD BERKATA PARA USAHAWAN INDIA TELAH MENUNJUKKAN MINAT UNTUK MELABUR DI MALAYSIA SEKALIPIN BEBERAPA USAHASAMA MEREKA DI NEGARA INI MENGALAMI KEGAGALAN.

MENURUTNYA, MINAT TERSEBUT SUNGGUH JELAS SEMASA LAWATANNYA KE NEGARA ITU.

BERCAKAP KEPADA PARA PEMBERITA SEKEMBALINYA DARI LAWATAN RASMI EMPAT HARI KE INDIA MALAM TADI, TIMBALAN PERDANA MENTERI MENYATAKAN ADALAH AMAT BERGUNA BAGI NEGARA INI MENGAJAI DAN MENCONTOHI PENDEKATAN INDIA DALAM BIDANG PERUSAHAAN KECILAN.

KATANYA, INDIA MEMPUNYAI BANYAK IDEA BARU BERTHUBUNG DENGAN PERUSAHAAN SEUMPAMA ITU YANG BOLEH DILAKSANAKAN DI NEGARA INI.

MENGENAI LAWATANNYA, DATUK SERI DR. MAHATHIR BERKATA LAWATAN TERSEBUT BERTUJUAN MEMBUKA JALAN KE ARAH MEWUJUDKAN HUBUNGAN YANG LEBIH RAPAT DENGAN KERAJAAN BARU INDIA.

—BERSAMBUNG 0208/AH

MAHATHIR 2 KUALA LUMPUR

DALAM LAWATAN TERSEBUT, TIMBALAN PERDANA MENTERI TELAH MENGADAKAN RUNDINGAN DENGAN PARA PEMIMPIN INDIA TERMASUK PERDANA MENTERI, PUAN INDIRA GANDHI, MENGENAI BERBAGAI PERKARA SEMASA KHUSUSNYA KEADAAN DI KAMPUCHEA DAN AFGHANISTAN.

DATUK SERI DR. MAHATHIR, YANG JUGA MENTERI PERDAGANGAN DAN PERINDUSTRIAN, TELAH JUGA BERUNDING DENGAN RAKAN SEJAWATNYA DARI INDIA, ENCIK P. MUKHERJEE, MENGENAI KERJASAMA PERDAGANGAN DAN PERINDUSTRIAN SERTA KERJASAMA DI BIDANG TEKNIK.

BELIAU JUGA TELAH BERUCAP DI PERSIDANGAN PERTUBUHAN PEMBANGUNAN PERINDUSTRIAN BANGSA-BANGSA PERSATU (UNIDO).

DITANYA TENTANG TUNJUK PERASAAN OLEH PARA PENANAM PADI DI ALOR SETAR PETANG TADI, DATUK SERI DR. MAHATHIR BERKATA TUNJUK PERASAAN BUKANLAH CARA YANG BAIK BAGI MENYELESAIKAN SESUATU MASALAH.

+SEKIRANYA INILAH CARANYA UNTUK MENGATASI MASALAH, KITA SEMUA BOLEH MENGADAKAN TUNJUK PERASAAN,+ TEGAS BELIAU.

—BERNAMA 0212/AH